

24. oktober 2019

UKA2019/26

Uunga siunnersuut: Inatsisartut suleriaasiata allanngortinneqarnera.

(Inatsisartut siulittaasuat)

Inatsisartut suleriaasiata allanngortinnissaa pillugu Inatsisartut siulittaasoqarfiannit siunnersuut Siumumiit imaattumik oqaaseqarfigissuarput.

Suleriutsip allanngortinneqarnissaa annertuutut taaneqarsinnaavoq, taamaattumillu immikkoortunut marlunnet avillugu suliarineqartussaalluni massakkullu immikkoortua siulleq saqqummiunneqarpoq.

Inatsisartut suleriaasiata allanngortinneqarnissaa pisariaqalersimavoq, suleriutsit ullumikkumut naleqqukkunnaartutut isigineqartut kiisalu aamma 2017-mi Novembarimi Inatsisartut isumasioqatigiinneranni aammalu tamatuma kingornatigut partiit siulittaasuisa siulittaasoqarfiulu ataatsimeeqatigiittarnerini saqqummiunneqartarsimasut toqqammavigineqarlutik.

Siumumiit Inatsisartuni suleriaatsitta allannguutissaattut siunnersuutigineqartut ima ataasiakkaarlugit oqaaseqarfigissavagut:

Siumumiit iluarisimaarparput annertusisamik isertuussisussaataanerup annertunerusumik illersugaanerata sinaakkuserniarneqarnera, taamaasilluni inatsisartut isertuussassanik nunatsinnut tunngassuteqartuni kukkunikkut imaluunniit avataaniit marserneqarnikkut imaaliallaannaq paasissutissanik aallerfiusinnaajunnaarlugu.

Naalagaaffiit peqatigiinnut aammalu Nunat avannarliit siunnersuisooqatigiivinit inatsisartut sinniissaattut toqqaasarnermi Siumumiit isumaqarpugut maanna periuseq atuuttoq ingerlarteqqinneqartariaqartoq. Tassa D'hont metode atorlugu inissiisarneq Inatsisartut ukiuisa aallartinneri tamaasa ingerlanneqartassasoq.



Siumumiit isumaqarpugut inatsisartut aalajangiiffigisassatut siunnersuuteqartillugit aningaasaqarnikkut kingunerisassaanik Naalackersuisut allaatigisaqartussaataalernissaat inatsisartut attuumassuteqanngittumik sulinerannut innarliisuusussa. Siumumiimmi pingaartipparput Inatsisartut Naalackersuisunit qulangersimaneqaratik aalajangiisissaassuseqartuarnissaa, taamatuttaaq inatsisartut nakkutilliisussaataanertik nukitunerpaaffianiitsittuarnissaanut aalajangiisarnerminnut pissaanernut allanut akisussaffinnik agguaanissaat tulluartutut isiginnginnatsigu. Taamaattoq isumaqarpugut inatsisartut allattoqarfianni aningaasaqarnikkut kingunerisassat pillugit suliaqartarnermi nukittorsaaneq pisariaqartoq.

Suleriutsip allangortinneqarnissaa aammalu naleqqussarnissaa sulinermut assut iluaqutaassasoq Siumumiik isumaqarfingaarpud taamaattumillu Siumumiit suleriutsip ataatsikkoortillugu suliarineqartariaqarnera pillugu matuma siunnersuutip siulittaasoqarfimmut uterteqqinneqarnissaa, kingusinnerusukkullu siullermeeqqinneqarsinnaanera inassutigarpud.

Nikkulaat Jeremiassen, Siumut.